

1937

საქართველოს
საბავშვო ჟურნალი

თქტომბერი



1937 5

N5



„თებთმგზილი“

საქ. ა. ლ. კ. კ. ცემასა და საქ. განსახკომის მართლმთხიური ორგანო

№ 5

მ ა ი ს ი

1937 წ.

წელიწადი მმ-11

საქ. კ. კ. (ბ) ც. კ-ის გან. „კომუნისტთა რედაქციისათვის: თბილისი, გრიბოედოვის ქ. № 34 ტელ. № 3-32-61

შინაარსი

გვ.

1. მახალა მრავლიწვილი—სამი დობილი (ლექსი)	1.
2. ლევან მებრამელი—ცუდი კაცები (მოთხრობა)	2.
3. ბიორბი კაჭახიძე—ანიკოსთან მიდიან (ლექსი)	9.
4. ილია ზამზამაძე—ბუზების თვლა (მოთხრობა)	10.
5. მიმგრალი—მისი (ლექსი)	11.
6. ვლადიკერ მაიაკოვსკი—ამხანაგო ჩიტო	12.
7. იოსებ მხედლიწვილი—მისის ყვავილები (ლექსი)	13.
8. ლ. უსანსკი—კუდიანი პარაშუტისტი (მოთხრობა, თარგმანი შ. თაბუკაშვილისა)	14.
9. ლეილა თაბუკაშვილი—მისი (ლექსი) ვარეკანი	III გვ.
10. სოსო ლომთათიძე—გასართობი	III-გვ

შორალი დასურათებული მხატვარ ი. კოკიაშვილის მიერ.

ყდის მხატვრობა ეკუთვნის კ. გძელიწვილს

3/მგ. რედაქტორი ბაბო ზაზიუშვილი 3 მგ. მდივანი ლ. ზივინაძე



სამი დობილი

სამი დობილი მოვიდა:
მარტი, აპრილი, მაისი,
იები სცვივით ქობიდან,
გაგვისამკეცეს ხალისი.

მარტი, — უმცროსი დიაია,
მტირალა, მიზეზიანი
(ხან მოღორუბლული დარია,
ხან კი ძალიან მზიანი).

ცალ თვალს იცრემლავს ძალათი,
ცალზე დიმილი ჰფენია,
ემშაკს პატარა კალათი
ენძელით გაუტენია!

....იამა სიოს ტბორები,
თან ნათბილარი, თან გრილი,
ნუშის და ატმის ტოტეში
ფეთქავს ყუყუნა აპრილი.

ხეზე ზის, კვირტში იცინის,
არ იცის ქენობა რას ჰქვია,
ერთი გოდორი ყვავილი
ზედ თავზე გადმოგვაფრქვია!

უფროსი გოგო დინჯია —
შეღერებული მაისი,
მწვანე ხავერდი ირჩია,
გზა დაიფინა თავისი.

ყველა ამ კეკლუცს ელოდა,
გვიან რომ შემოიბრინა,
ჩაჯდა, მოქარვა მდღელო და
ტყეები მოაგვირგვინა.

სამ გამონასკულ კაბაში
გვეწვია სამი დობილი,
რიგრიგად გაგვეთამაშენ
სხივებთან გადაქდობილნი.



2008

ს უ ლ ი კ ა ხ ე ბ ი

„ეშპანელი“ ბავშვები

- .. მამიკო, მრმეცი, რა არის, მანეთი ეშპანელი ბავშვებისათვისა!
- ეშპანელი ბავშვებისათვისა! ინებე, გენაცვალე! განა მე უარი გითხარი?
- გუშინ ყველა ბავშვმა მოიტანა მანეთები, მარტო მე დავარჩი ისე.
- უპ! მაშ ყველასთან შერცხვი ჩემი კოკროკინა გოგოი? აჰა, გენაცვალე, დღეს წაუღე, არა უშავს რა! - მამიკო იღებს უბიდან ფულებს.
- მამიკო! რომელიც დიდი მანეთია, ის მომეცი, ხო!
- მაშა! რომელიც დიდი მანეთია, სწორედ იმას მიეცემა ჩემ პატარა გოგონასა.
- უუ! შენ მატყუებ! როგორი ხარ, მამიკო, არა გრცხვენია!
- არ გატყუებ, გენაცვალე! ეგ ხომ საწყალი ბავშვებისათვის არის და როგორ შეიძლება მოტყუება? აი, რომელიც ყველაზე დიდი მანეთია, იმას გაძღვე. კოკროკინა გოგონამ გამოართვა ფული. თან ჯიბეში ინახავს, თან ცალ ფეხზე ხტუნაობს სიხარულით.
- მამიკო! რათ არიან საწყლები ეშპანელი ბავშვები? იმათაც ხო ჰყავთ დედოკო და მამიკო?
- რათ არიან საწყლები „ეშპანელი“ ბავშვები? რათა და... ჰო, ცუდი კაცები მოვიდნენ, სახლიც დაუნგრისს, ზოგს მამიკოც მოუკლეს, დედოკოცა. დარჩნენ ობლად და საწყლები იქნებიან, მაშა!



— შორს არიან, მამიკო, ის ეშპანელი ბავშვები?

— მალთან შორსა, გენაცვალე. ბევრი მთის იქითა, ბევრი ზღვის იქითა. ხო იცი, მთების იქითაც არის სოფლები.

— ვიცი, მამიკო! აი, ბორჯომიც მთების იქით არ არის?

— ჰო! ზღვებს იქითაც არის სოფლები.

— ქობულეთის იქით, არა, მამიკო? აი, გემებს რო დავინახავდი ხოლმე, იქ მიდიან, არა, სხვა სოფლებში?

— მაშ, იქ მიდიან ხოლმე, სხვა სოფლებში! ამ ჩემმა პატარა გოგომ რამდენი რამე იცის, კაცო! მარტო ფერადების ხმარება არ იცის თავის ადგილას: აგერ კიდევ მოუღანგია თავისი ნოლა ცხვირი შავადა.

კოკროკინა გოგონა იხედება სარკეში. ხედავს შავად გამურულ თავის ნოლა ცხვირს და ხითხითებს გულთანად.

- მამიკო! თქვენი გემიც იმ სხვა სოფლებში მიდის, ზღვას იქით რო არის?
- ჰო, გენაცვალე!
- სადაც ეშპანელი ბავშვებია, იმ სოფელში?
- კიდევ იმის იქით.

გოგონა ეხვევა კისერზე თავის მამიკოს. რა მაგრა ეხვევა თავისი ნორჩი თათუნებით!

- მერე, კული კაცებისა შენ კი არ გეშინია, მამიკო?

მამიკო ჰკოცნის თავის გოგონას ისევე მაგრად, როგორც ის ეხვეოდა ყელზე.

- ოი, შენ კი გენაცვალე თხილისოდენა გულში, ეგრე რომ სწუხარ ჩემი გულისათვის!

- მამიკო, ჩქარა დაბრუნდები?
- ჩქარა.

- რამდენი დღე რო გავა?

- რამდენი? თითუნები არ გეყოფა სათვალავად. იცი, როდის დავბრუნდები? როცა ნაძვის ხე დაქვნივით სწავებოდა ბაღში.

- კარგი! არ დაიგვიანო, თორემ...
- თორემ?

- თორემ შენი გოგო აღარ ვიქნები! - და კოკროკინა გოგონას ნორჩი მკლავები ისევე უსაზღვროდ ეხვევა მამიკოს კისერს.

- მამიკო, როგორ იყო, შენ რო პატარა იყავი და შენმა მამიკომ რო ნაძვის ხე...

- რანდენჯერ უნდა გიამბო, შე კუდიანო, არ მოგწყინდა?

- არა, მამიკო, არა! ერთხელ კიდევ მიახმე! ეგრე შორ მიდიხარ და მიახმე, რაა, ერთხელ კიდევ, როგორი ხარ!

კოკროკინა გოგო გასწორდა მამის კალთაზე. თან თვალებდაღებით და პირდაღებით ხარბად მისჩერებოდა მამიკოს: ერთი ვნახოთ, რომელიმე სიტყვა დასცდა, მერე?

მამიკომ აღერსით მოსწია გოგონას ნოლა ცხვირი, თითქოს გაუსწორაო, და...

- ჰო, ეს იყო, მე რომ პატარა ვიყავი, როცა სოფელში ვცხოვრობდი და ფეხშველა დავრბოდი. ახალი წელიწადი მოახლოვდა.

- როგორ მოახლოვდა, მამიკო? რამისშორედ იყო?

- ისე, სოფლის ბოლოზე. ჰო, დიდი თოვლი მოვიდა. დიდი ხეებიც მოიკუზუნ თოვლის სიმძიმით. მამაჩემი სულ იძახდა: ჩემი ბერღია ბიჭი ძალიან, ძალიან უნდა გავახარო ახალწელიწად დღესაო.

„მე კიდევ ვფიქრობდი: ნეტა რით უნდა გამახაროს მეთქი? ჩუსტებს მიყიდის თუ ხალასსა მეთქი? მაგრამ ჩუსტებიცა და ხალათიც სწორედ ახალწლის წინადღეს მომიტანა მამიკომ. ვფიქრობ: ვხლა რილათი უნდა გამახაროს მეთქი ნეტავი? ციგა უკვე მაქვს ჩემი ვაკეთებულო. კოკოხაცა მაქვს ჩიტების დასაქერი. მაშ რაღა უნდა იყოს? ვფიქრობ და ვერ მომიფიქრია. ასე ნატვრით დავწყეკი ლოგინში. თან ისეთი დიდი სიხარული ჩამყვა, ისეთი, რო...“

- რამოდენა, მამიკო, რამოდენა?

- იმოდენა, რო გულში ძლივას ეტეოდა. დილით მამლისყვილზე გამადღვიძა მამაჩემმა. გააღე პირი ჩქარაო! მეც გავაღე თუ არა, თაფლის წყალში დამბალი ერთი უშველელელი ლუკმა ჩამიღო პირში. თან სუფთა ბამბით მომწმინდა ტუჩები და მუხუნებმა: ასე ტკბილად დამიბერდიო.

მერე კარში გავიდა მამაჩემი. ცოტა ხნის შემდეგ შემოვიდა სულ ერთიან გაბრაზებულ და მიყვირის:



— სად არის ჩვენი თაფლა ბოჩოლა? რათ დასტოვე კარში? ეხლა ის ხო მგლებს ველარ გადაურჩებოდა და ვერც შენ გადაშირჩები მეო!

მე შიშისაგან სულ გამაცივა და კანკალი დავიწყე. გავხედე ბოსელში—მართლა ჩემი საყვარელი თაფლა ბოჩოლა აღარსადა სჩანს. მე ვერც-კი მომიგონია, როგორ დამავიწყდა ის კარში. აღბათ, ახალწლის სიხარულით თუ დამემართა. მამაჩემმა შემომიტია:

— აღე ჩქარა, წავიდეთ, ტყეში მოვძებნოთ!

ვაი ჩემ დღესა! მე რაღაც სასიხარულოს ველოდი მამაჩემისაგან და ეხლა კი ყველაფერი უნდა ჩამშხამდეს. სიმწარით ჩაეცვი ჩემი ახალი ჩუსტები, ახალი ხალათი და ცახცახით გავეე უკან მამაჩემს. გავედით იქავე ჩვენს მახლობელ ტყეში. მამაჩემმა წინ გამაგდო: როგორც შენვე დაკარგე, ისე შენვე ეძებე პირველბო.

მე თოვლში ვიფლობი, ვკანკალებ და ვტირი ჩუმაღ. მენანება, ძალიან მენანება ჩემი თაფლა ბოჩოლა, მაგრამ უფრო გულს მიკლავს მამაჩემის შეუბრალებლობა. თავის დღეში ასეთი არ ყოფილა და რა დაეძართა ნეტავი ამ ახალწელიწად დღესა?

აგერ მამაჩემმა უფრო მაგრა მკრა ხელი—ჩქარა გაიარეო. მეც მივდივარ წველებით. ახალი ჩუსტები თოვლით ამევსო. ფეხებიც მეყინება. მაინც მივდივარ, სანამ შემიძლია, და უცებ ჩემ წინ პატარა ნაძვის ქვეშ ვხედავ ჩვენ თაფლა ბოჩოლას!

— მამა! აგერ ჩვენი თაფლა! — შეეძახე სიხარულით. თან გავეჭანე და ყელზე მოვეხვიე ჩემ თაფლას. ვკოცნი, როგორა ვკოცნი თვალებში, თითქოს ჩემი პაპის თვალები ტარა დაიკო იყვესო.

უფრო მეტი შევიპატიე, რომ ბოროლა ნაძვზე მიბმული. ამან გამაოცა, მაგრამ უფრო გასაოცარი კიდევ სხვა დავინახე. დედა! რას არ ხედავენ ჩემი თვალები ამ პატარა ნაძვის ხეზე, რა არა ჰქონდა იმის თოვლით დადრეკილ ნორჩ ტოტებზე! მტკაველნახევრიანი დაშავებული ჩურჩხელები! ბრაწა ვაშლები! ჩამიჩის გიშვრა მტევნები! კაკლის კუნწულები!

მალლა კენწეროზე კიდევ გადაუკიდია წაბლის გრძელი ასხმულა.

გაკვირვებულმა შევხედე მამაჩემს, ის კი გულიანად ხითხითებს და მეუბნება:

— ხომ ავისრულე დაპირება! ხომ გაგახარე ამ ახალწელიწად დღესაო!

ვერ უყურებ! თურმე ყველაფერი ეს მამაჩემის მოწყობილი იყო!

სიცოცხლე გაქვს, მეც გამეხარდა.

საჩქაროდ დავკრიფე ყველაფერი ეს ხილეული, მოვხვიე კისერზე ხელი ჩემ ბოროლას და სულ ვარხალაღეთი მოვედი შინამდე.

ასე უცნაურად გამახარა მამაჩემმა საახალწლო ნაძვის ხით. რამდენჯერ მიჩვენებია ის ნაძვის ხე ჩემი კოკროქინა გოგონასათვის, ხომ გახსოვს?

— როგორ არა, მამიკო! დაბლა რო ორი ტოტი ჩემი ბაღერინას ხელებივით აქვს აქეთ-იქით გაშვებული, არა?

— საჩუქრად რა წამოგიღო, გენაცვალე, როცა დავბრუნდები ზღვისიქითა სოფლიდან?

— რაც მოგეწონოს.

— მაისც?

— შენ აკი შემპირდი, ფერად ფანქრებს მოგიტანო?

— კიდევ?

— კიდევ? თუ გინდა ეშპანელი ბავშვი წამოიყვანე! სულერთია, ბიკი იქნება თუ გოგო. ჩვენ ხომ აქ არ გვინახავს როგორია ეშპანელი ბავშვი.

— ენახოთ, იქნებ ეგ სურვილიც შეგისრულდეს.

— ხომ ჩქარა დაბრუნდები, მამიკო?

— აკი გითხარი, როცა ნაძვის ხე გექნებათ სკოლაში, იმ დროისათვის მეტიკი.





შავი ქვით დატვირთული გემი „ბურვეესტნიკი“ მზად არის გასწიოს შორეული ზღვებით შორეული ქვეყნებისაკენ.

აგერ ზღაპრული ვეშაივით სამჯერ დაიღრიალა და შეახანზარა არემარე. გაისმა ბერკეტების ხრიალი, ჯაჭვების ჩხარჩხური, ღუზების რახუნი.

ბოლოს ყველაფერი მოთავდა. გემი წყნარად შორდგბა ნაპირს. თითქოს ცდილობს ჩუმად გაეპაროს საყვარელ ხმელეთსო. გემის ბაქანზე დიდხანს მოჩანს რადისტის ბერდია. ის ღიმილით უქნევს ქულს ნაპირზე დაჩენილ კოკროქინა გოგონას და მის დედიკოს.

გოგონა და მისი დედიკოც დაიღალნენ თეთრი ხელსახოცების ქნევით, მაგრამ მაინც არ იშლიან, რადგან გული არ დაიღალა.

ბოლოს გემი დაშორდა. ადამიანები ვეღარ ერჩევიან ბაქანზე. დედა-შვილი გამოტრიალდნენ ნაპირიდან. მოლიან ჩუმად. ხანდახან მიიხედავენ უკან, ზღვისაკენ, გემისაკენ.

„ბურვეესტნიკი“ შეუღვენებლივ მიცურავს დღეღამე. ვალია შავი ზღვაც, მარმარილოს ზღვაც. აჰა, ლამის ხმელთაშუა ზღვაც უკან მოიტოვოს.

ხმელეთს ვეღარსაით ვერ სწვდება თვალი. არის მხოლოდ უნაპირო ზღვა და ზედ დამხობილი უნაპირო ცა. ზღვა ისე წყნარია, თითქოს არასდროს არცერთი გემი არ დაეღუპოს, არცერთი კაცის ცოდო არ დაედოსო.

ცა? ისიც წყნარია.

როგორც „ბურვეესტნიკი“ მიცურავს ზღვაზე, ისევე მიცურავს მზეც ცაზე დასაფლეთისაკენ. „ბურვეესტნიკიც“ აჩქარებით თითქოს მზეს მისდევს დასაფლეთისაკენ. „ბურვეესტნიკის“ შუა ანძაზე ჰკიღია მოსკოვის დროით მომართული დიდი საათი.

დღეს ხუთი საათისათვის მოსკოვის გულში, წითელ მოედანზე იმართება დიდი მიტინგი ესპანელ მებრძოლ ხალხისადმი თანაგრძნობის გამოსახატავად.

რადისტმა ბერდიამ თავისი რადიოს გულისცემა უკვე შეუერთა მოსკოვის რადიოს გულისცემას. ბაქანი სასვეა სასმენად გამოადგებული მეზღვაურებით. აგერ გაისმა კიდევ „ინტერნაციონალის“ მძლავრი გუგუნე, და მთელი კომანდაც მოჯადოვებულივით აჰყვა ამ საბრძოლო ჰანგებს.

ხამუშ-ხამუშ „ინტერნაციონალის“ გუგუნში ჩაექსოვება ზღვა ხალხის შეძახილი:

- გაუმარჯოს რესპუბლიკური ესპანეთის მებრძოლ ხალხს!
- ძირს სისხლიანი ფაშისტები!

ვინ იცის, კიდევ რამდენ ზღვასა და ოკეანეს აღვიძებს ეს გუგუნე და შეძახილი, რამდენი მშრომელის გულს აღელვებს ზღვებზე და ოკეანეებზე მძლავრად! აჰა, ბოლოს შეწყდა „ინტერნაციონალიც“, ხალხის შეძახილიც და გაისმა „ავტოკარხნის“ დამკვრელი მუშის მკვეთრი ხმა.

— ჩვენ, ავტოკარხნის მუშები, ინჟენრები, ტექნიკოსები და მოსამსახურენი, ჩვენს უწმინდეს მოვალეობად ვთვლით მთელი მსოფლიოს მშრომელებთან ერთად ძმური დახმარება გავუწიოთ ესპანეთის ხალხს თავის გამირულ ბრძოლაში შინაური და გარეშე მტრების წინააღმდეგ...

ბაქანზე შეკრებილი მეზღვაურები გულისფანცქალით ისმენენ რადიოს გადმოტყარცნილ მგზნებარე სიტყვას თავიანთი მოსკოველი ამხანაგებისას:

— ჩვენი თვალები მიპყრობილია ესპანეთის მშრომელებისაკენ. ჩვენი გული ფეთქავს მათ გულთან ერთად. ჩვენ ფიზიკლად ვადევნებთ თვალყურს, თუ ესპა-

ნების გმირი ხალხი რა შეუპოვრად იცავს თავისი ქვეყნის თავისუფლებას და შისტების თავდასხმისაგან.

არავის შეუმჩნევია როგორ შემოვიდა.

„ბურვესტნიკის“ მახლობლად უეცრივ საიღიანა ცაჩნდა ესპანელ მეამბოხეთა სამხედრო გემი.

ბრძანება: შეჩერდეს „ბურვესტნიკი“. გემი ჩერდება.

„ბურვესტნიკთან“ მოკურდა ნავი, გენზე ამოდის ფაშისტის ოფიცერი, თან ახლავს სამი ხელქვეითი. მოსკოვიდან კი ისევ გაისმის მკვეთრი ხმა:

— დაე იკოდეს ესპანეთის ხალხმა, რომ ამ ბრძოლაში ფაშისტური მონობის წინააღმდეგ, რომ ამ ბრძოლაში დემოკრატიული რესპუბლიკის დასაცავად ჩვენ მასთან ვართ...

ოფიცერი მოითხოვს გემის საბუთებს. მაგრამ საბუთების მიღებამდე მოითხოვს რადიოს გაჩუმებას.

მაგრამ არა! არც ერთი საბუთა მეზღვაური არ შეასრულებს ფაშისტის ოფიცრის ასეთ თავხედ მოთხოვნას. ოფიცერმა იუკადრისა ასეთი შეუპოვრობა.

— თუ თქვენ უარს ამბობთ ჩემი ბრძანების შესრულებაზე, მაშინ მე თვითონ ვეწყვეტ... — ამ სიტყვებთან ერთად იძრო ხმალი და მივარდა რადიოაპარატს. მაგრამ რომელი საბუთა მეზღვაური შეურიგდება ასეთ ფაშისტურ თავხედობას? ერთი-ერთმანეთზე მძლავრი მკლავები ვეფხვის კლანჭებივით მისწვდნენ თავგასულ ოფიცერს და თავის ამხანაგებთან ერთად ის ძალის-ძალით მიაბრძანეს ნავში.

ასე გაბრუნდნენ შერცხვენილი ფაშისტები უკან, მაგრამ ეს რა მოხდა? დაიქუხა ერთხელ. დაიქუხა მეორედ. „ბურვესტნიკი“ შეირყა. იგრილა მესამედ — და „ბურვესტნიკი“ სწრაფად მიდის ზღვის ძირისაკენ. რამდენიმე წუთის შემდეგ აღარ სჩანს „ბურვესტნიკი“. აღარც ხანძარი ანათებს ზღვას.

გემი კი დაიღუპა. მაგრამ სად არიან მისი შეუპოვარი მეზღვაურები, „ბურვესტნიკის“ დარჩეული მეზღვაურები?

სად არის რადისტი ბერდია, თავის კოკროჟინა გოგონას რომ შეჰპირდა საჩუქარს?

ამოღონი

— დედიკო! ნაძვის ხე ხომ დღესა გვაქვს ჩვენა და მამიკო რომ ჯერ არ მოსულა?

— ეგებ მოვიდეს, ჩემო ჩიტუნო.

— საღამომი კიდე მოასწრებს, არა, დედიკო?

— მოასწრებს, ჩემო ჩიტკო, მოასწრებს.

კოკროჟინა გოგონა მიდის ნაძვის ხეზე. მარტოდ დარჩენილი დედა კითხულობს ახალ გაზეთს და... ნეტავ არ წაეკითხა იგი!

თურმე ესპანელი ფაშისტების სამხედრო გემს ჩაუძირია საბუთა კაეშირის თბომავალი „ბურვესტნიკი“, მაგრამ რა დაემართათ „ბურვესტნიკის“ რჩეულ მეზღვაურებს? ამაზე რომ არავითარი ცნობა არ არის?

— დედიკო, ისეთი კარგი ნაძვის ხე გვექონდა, ისეთი... ლექსებიც ვთქვით, ვიმღერეთ კიდევცა.



დედოკო ჩაფიქრებულია, დაღონებულია რაღაცაზე. გოგონა ლოყაზე ხელს ავლებს და თავისკენ უტრიალებს სახეს.

— დედოკო! იმდენი ფერადი საბოლოები ენთო, იმდენი, რო ვერც-კი დავთვალე. — დედოკო მაინც სახეს არიდებს თავის ტიქტიკა გოგონას.

— დედოკო! ჩვენთან რო ნაძვის ხე იყო, ისე ჰგავდა მამიკოს ნაძვის ხეს! აი ერთხელ რო ჩურჩხელები და ვაშლები მოესხა, იმ ნაძვის ხესა! იმასაც ორი ტოტი ჩემი ბაღერიჩის ხელებივით ვაეშვირა და თითქოს ცეკვავსო. იქნება ის მართლა ჩემი მამიკოს ხე იყო და ცუდმა კაცებმა მოჭრეს?

დედოკო რაღაც წიგნს ფურცლავს, მაგრამ რომ არ კითხულობს?

— დედოკო! ცუდია მამიკო!

— რათა, გენაცვალე?

— მომატყუა! დღესაც არ მოვიდა. ცუდი! რო მოვა, გავებუტები და აღარ შეეურიგდები.

დედოკო კედელს მისჩერებია. კედელზე მამიკოს სურათი ჰკიდა.

— დედოკო! მამიკოც იმ სოფელში წავიდა, სადაც ცუდი კაცებია?

— რომელ სოფელში, გენაცვალე?

— აი ზღვის იქითა.

— რომელი ზღვის იქითა?

— აი, სადაც ეშანელ ბავშვებს დედოკოები და მამიკოები დაუხოცეს.

— ჰო, იქ წავიდა, გენაცვალე.

კოკროკინა გოგონა რაღაცას ფიქრობს და ვეღარ მოუფიქრია.

— დედოკო! მერე, ცუდი კაცები ჩემ მამიკოსაც ხო არ მოჰკლავენ?

— ოი, შენ კი გენაცვალე! ძალიან უყვარს ჩემ კუდრაქა გოგონას მამიკოი, ძალიანა?

დედოკო მკერდში იხუტებს კოკროკინა გოგონას, მაგრა იხუტებს, რომ თვალები არ დაანახოს. კოკროკინა გოგონაც მაგრა ეხუტება მკერდში დედას, მაგრა, რომ დამალოს თავისი თვალები.

ასე ეხუტებიან დიდხანს ერთმანეთს დედა-შვილი, შემდეგ ასწიეს თავი, შეხედეს ერთმანეთს, ორთავემ რაღაც დამნაშავესავით გაილიმეს.

კოკროკინა გოგონამ ქრელი ბურთი გაათამაშა და ჩააფუჩეჩა თავისი თვალების უნებლიე დანაშაული. დედოკო მიაშტერდა, ცის სიმაღლეში გუგუნით რო მიქროლავდა აეროპლანი.





მუხის ჩრდილში, ბაღის ახლო,
თვლებს მწოლარე ბროლია.
არ უყურებს, რომ ეზოში
ყველგან მწვანე მოლია.
არც აფიქრებს ცაში მღვარი
თეთრი ღრუბლის კარავი,
ონავარი ბუზის მეტი
არ აწუნებს არავინ.
უცებ: თინა, ცელქი გოგი —
მეგპარნენ ბაღიდან,
გამოაბეს ყელზე თოკი,
და ბროლიაც აღრინდა.
გათაყებდა და უწესოდ
ფეხიც კი გაიქნია...
მაგრამ უთხრეს: „ჩუმაღ, კარგო,
აგრე როდის გიქნია!
აბა დღემდე შენი თავი
ხომ შეცდომით გვიქია?!
წამო წუნარად, ძლიერ გვინდა
გაგვიწიო ცხენობა..
წელან ჯირკს რომ მივათრევდით,
აქი თითქოს გრცხვენოდა!“
აიძულეს, წაიყვანეს
თოკით ეზოს კუთხეში
და გააბეს, როგორც ცხენი,
სათამაშო ურემში.
ურემზე კი რბილად დასვეს
ერთი მგზავრი ბაწია:
დედოფალა ტანდაბალი,
შავთვალა და მანჯია.
ყვავილებიც დააყარეს, —
აღტაცება დიდი აქვთ.
დაძრეს ძალლი და სტუმრებად
ანიკოსთან მიდიან.

მაგრამ რას ჰგავს!? სულ არ
სტდილობს
ძალლი ტვირთის ტარებას,
თითქოს ბავშვთა შეძახილი
მის ყურს არ ეკარება.
გოგი ჩივის: „ეს ურემი
როგორ ნელა მიგორავს!
ჩვენი ცხენი ცხენია, თუ
კამეჩია ნიკორა?!“
ამ ჩივილმა კირვეულად
თინაც ააქაქანა.
მოიქნიეს მაგრად წნელი,
და ბროლიაც გაქანდა.
გადააბტა რცხილის კუნძებს,
გადაბრუნდა ურემი,
ახლო მყოფი კრუხი დაფრთხა,
დაფრთხენ ინდაურებიც.
გაწყდა თოკი, მირბის ძალლი,
თელავს სუფთა ბალახებს,
გასცდა ეზოს ისე მწყურალად,
ვითომც მართლა გალახეს.
თინა მაინც გულს იმშვიდებს:
— ეს ჩვენს თავზე ახია!
მაგრამ, ვაი, დედოფალას
კაბა რამ დაახია?!
მგონი მკლავიც მოსტეხია,
დაეყვია თითებიც.
ახლო, მოდი, ნუ იღარდებ,
ანდა ნუ გაფითრდები!
ეს რა გვიყო, რა ამბავი
შევამთხვია ბროლიამ!
მაგისთანა ცული ძალლი
მამას ჯერ არ ჰყოლია!

ორი ათწლეული

ბუზების თვლა

„ვერა ადამიანი!“ — ელა ჩაჭყაბაძის ერთერთი საოვეთხო ნაწარმოებია. მასში აღწერილია შავთნაწილის დროინდელი თაჯადმის ყითუკესტარება. თაჯად ლუარსაბ თათქაძემ და მისა შუღლუ დაბუჯანი უქმად ატარებდნენ დროს. ვეჭვავთ ამ მითხრობიდან პატარა ნაწევრს „ბუზების თვლა“. ამ ნაწევრიდანაც ესადაგ ჩანს, მამუნად დახლონაქმული იღთ ლუარსაბის გინეა.

ლუარსაბმა ქერს მიაბჯინა თვალები; იქ ჯგუფად ისხდნენ ბუზები. დარეჯანმა მატყლის წინდისა ქსოვა დაიწყო.

პატარა ხანს უკან ლუარსაბმა წამოიძახა:

— დარეჯან, აბა, თუ ქვიანი დედაკაცი ხარ, გამოიცან, ა იმ ფიცარზე რამდენი ბუზი ზის?

— აბა სადა?

— აი, ქერის ფიცარზე.

თურმე, ნუ იტყვი, ამ სასაცილო ლუარსაბსა, დაწუმებულნი რომ იყვნენ, იმ დროს ის ბუზები უთელია! დარეჯანმა რა იცოდა.

— რამდენია? — სთქვა დარეჯანმა. — მიცა, ჯერ დავთვალო.

— ეგრე ხომ მეც გამოვიცნობ. აბა ისე გამოიცან, კაცობა ის იქნება.

— ისე გამოვიცნო? მაშ კარგი, ოცდაათი იქნება.

— ოლოლო შენ, ვერ გამოიცან!

— მაშ რამდენია?

— რამდენია? გითხრა? არა, არ გეტყვი.

— სთქვი, თუ იცი, რალა.

— თუ კაცი ვარ, ორმოცი უნდა იყოს. ოლოლო შენ, მე გამოვიცან!

— ღიად, გამოიცან... დავითელია, როგორც იმ დღესა ჰქენი. ეგრე ხომ მეც გამოვიცნობ!



- შენც არ მომიკვდევ, ის კარგი მამა არ წამიწყდეს, რომ არ დამითვლია!
- მაშ საიღამ იცი, რომ ორმოცია?
- საიღამ? იქიღამ, რომ გონება მაქვს.
- ვანა მე კი არა მაქვს გონება?
- შენცა მაქვს, მაგრამ კაცის გონებასთან ღედაკაცის გონება როგორ მოვა?

მე ვარაუდით მივხვდი, რომ ორმოცია.

- რომ არ იყოს ორმოცი?
- ჯარიმა გადამახდევინე.
- მაშ დავთვალათ.

ღაიწყეს ცოლმა და ქმარმა ბუზების თვლა. გამოვიდა, რომ ორმოცდაათზე-
დაც მეტი იყო,

— გამოიცილო?! — სთქვა ნიშნის მოგებით დარეჯანმა, — დიად, გამოიცილო! გო-
ნება აქვს ამ ჩემ ბატონს და იმითომ გამოიცილო!

ლუარსაბს შერცხვა, ცოტად აირია.

— გაფრენილან, თორემ ორმოცი იყო, — სთქვა სულელმა თავის გასამართლე-
ბლად. — სწორედ გაფრენილან.

— უფრო კარგი, თუ გაფრენილან. უფრო ცოტა არ უნდა დარჩენილიყო?
მანდ ორმოცდაათზედაც მეტი არის ეხლა.

ლუარსაბი გაიწურა, ეს რა წამოვროშეო, სთქვა გულში.

რომ ჩააფუჩჩოოს თავისი მახეში გაბმა, კბილების კრაქუნით, რომელსაც კენი-
ნა ღიმილს ეძახდა, სთქვა:

— დალახვრა ღმერთმა, ეგ ვეღარ მოვიფიქრე. ბიჭოს! თითქო ოთხჯერ და-
ვთვალე!

— აკი არ დამითვლიაო?

— შენგან არ მიკვირს! რომ არ დამეთვალა, სოლომონ ბრძენი ხომ არ ვი-
ყავ, რომ ისე გამოიმეცნო. როგორ არ დავთვალე, აი დალახვრა ღმერთმა, შევმ-
ცდარვარ, თორემ გაჯობებდი, აი, ჩემო სულიკო! მე და ჩემმა ღმერთმა, გა-
ჯობებდი.

სთქვა და გაცრუებული ლუარსაბი შეაქარსავით გაუტკბილდა თავის ამყამად
გამარჯვებულს მეუღლესა.



მიხეიანი

მ ა ი ს ი

სიცილით, კისკისით
მოვიდა მისი.
რამდენი იები...
რამდენი სოსანი...
ქუჩებში დასკურავს
წკრიალა ხალისი,
ბალები აივსო
ვერცხლისფერ შროშანიო.

ფანჯრებში იჭრება
ნიავი სრიალით,
ჩაუქრის მერხებზე
თავდახრილ პატარებს
და ფრთების საამო
ფარფატი, შრიალით
გადაშლილ წიგნებზე
დანტის და ტორტმანებს.

პლენიზმი მაიაკოვსკი

ამხანაგო ჩივო, გელოღები ლხენით, გვითხარ, რაგომ არ ხარ გუნებაზე უჩინის?

ყოველ კუთხიდან
ისმის ხმაური,
ყოველ კუთხიდან
ისმის ხმაური:
გათბა მიდამო,
ამწვანდა ველი.
გაზაფხულია, ჩაღდა ზღვაური,
შოშიებს ველით!
ხარობენ ველად
მწყაზარი იები,
კეთილი სურვილი,
სალამი, შოშიებო!!
პატარა ქალა კი
ბაღია ნამღვილი.



ვ. მაიაკოვსკი

მოდით და მზადა გვაქვს
რჩეული ადგილი.
ხის გრებილ შტოებზე
ჩვენი სახლის წინა
უკვე მოგიმზადეთ
საუცხოვო ბინა.
თითის ტოლა ჩიტი
ქლურტულეებს მცონარი,
მას ქამის შაღა აქვს
ჯერ გაუგონარი.
ნუ მოგვერიდებით,
ჩიტები, თუ გშიათ,
საკვები მზადა გვაქვს:
ხორბალი, შერია,
მლილი და ღეროლილი,
მწერი, ბუზანკალი,
ქერი და ფეტვი,
თან
ბრინჯის კაკალი.
მთებიდან,
შორეულ ზღვებიდან
დააგვიანდათ
ჩიტებს მოფრენა.
პიონერები ავიდნენ არცხე
და მის კენწეროს
თვით მოეფინენ.
ერთმა ღურბინდი
მორიგო ცხვირზე,
ხედაუს: არ ჩანან
არსად ჩიტები,
ვახედა შორეთს,
ტყიდან მუხნარის
ჩამოჯდა ტოტზე
გულდამშვიდებით.
ჰსურს მიესალმოს
სიტყვით მქუხარით,

ძვირფას შოშიებს
დიდ სიხარულით,
ცეკვით, სიმღერით,
დოლის ხმაურით...
ყვირიან,
დოლებს ხმა ისმის საამო,
ლამის გაღვირონ
ჩიტებზე ფიქრით,
ჩიტებმა
სუსხიან ამინდის გამო
დაიბანაკეს ტყეების იქით...
რაკი არ მოფრინდნენ, —
ჩიტების ბინაში
თვითონ
მოთავსდნენ
ბავშვები ადვილად.

ჩიტნი გამოცხადნენ
პიონერთა წინაშე,
მაგრამ მათ წინდაწინ
წაართვეს ადგილი.

მინდა გითხრათ ბავშვებს,
თუ თქვენ აღარ მიწყენთ,
ჩიტებს რომ უმზადდებდით
ბინას და საყვებს:
ამხანაგო,
ჩიტის გამო
არ დაგავიწყდეს
პიონერული
სიტყვა და საქმე.
თარგმნა გრ. აროსამ



იოსებ აქალიძვილი

მეისის ყვავილები

ჩვენ, ყვავილები ლამაზი
მთისა, ველის და მინდვრისა,
ვახაფხულისა პირზე ვართ
ნაზი ღიმილი მიწისა.

იასამანი, ზამბახი,
ყაყაჩო შავი გულითა,
შროშანა ნაზად მფრინავი,
ღანძილი მწვავე სუნითა,

ქინძი მწვანილოვს ჯეჯილში,
შელგა დგა ყვითელ თავითა —
ვინ ჩამოთვალოს, მთა-ველი
რამდენს ამოზრდის უბითა?!


მკაცრმა ზამთარმა ჩავესახა,
გვშობა თოვლისა დნობამა,
ზე წამოგვიღო მიწიდან
მზისა სიახლემ, თბობა.

სხეულად სილამაზე გვაქვს,
სურნელებანი სულადა,
ორივე მიგვიერთმევი
ჩვენი დროისთვის სრულადა!

რომელი რომელს ეჯობივართ
ვინ იტყვის ამას ენითა?
ყველა ერთგვარად აღავსებს
მაყურებლის თვალს ღებნითა.

ვაკურნავს ჩვენი დანახვა
მკაცრი ზამთრისა სენითა,
სამართლიანად ამაყობს
მეისის დილა ჩვენითა.

თავის პაწაწა ხელებით
ნიკო, კაკო და ნაისი
ჩვენგან შეკონილ თავიგულს
შინ მოიტანენ ხალისით.



ყირიმში, კოკტებელში, მკითხეს: ხომ არ გნებავთ პლანერით იფრინოთო? ცხადია, მე ვუთხარი მინდა მეთქი.

ცხელი ღღე იყო.

მთის კალთაზე იღო თეთრ-წითელი პლანერი. მის მახლობლად გროვად ეყარა თბილი ტანისამოსი — ტყაყის ქურთუკები, შარვლები, მუზარადები.

შზემოკიდებული მფრინავი მტრედისფერი ტრუსებით იჯდა ქვაზე და რძეს სვამდა.

— გამარჯობათ! — მითხრა მან. — ჩქარა ჩაიცივით, დროა!

მე გოცუებული ავტორტმანდი. ისეთი სიციხეა, რომ თვითონ მხოლოდ ტრუსები აცვია, მე კი რალაც ქურქებში უნდა გამომხარშოს!

— ჩაიცივით, ჩაიცივით! — დაიყვირა ყველამ — მაღლა უნდა აფრინდეთ, ორი-ათას მეტრზე. იქ ცივა. გაიყინებით! ჩაიცივით!

რალას ვიზამდი, ჩავიცვი. მფრინავმაც ჩაიცვა. ტყაყის ტანისამოსმა ისე გამამხვილა, რომ ძლივსდღივობით ჩამტენეს უკანა სამგზავრო კაბინაში.

მერე ყოველივე ის მოხდა, რაც პლანერით ვაფრენის დროს ხდება ხოლმე. პლანერის ცხვირზე გაკეთებულ კილოს მოსდეს რეზინის გრძელი ბაგირი. ქარის საწინააღმდეგო მიმართულებით მოატრიალეს, და რვა კაცმა დაიწყო ბაგირის ისე გაჭიმვა, თითქოს სათამაშო ორკაპი ყოფილიყო, რითაც ქვევს ისერიან. ბაგირი თანდათან უფროდაუფრო დაჭიმა. პლანერი ხანდახან თრთოდა, მავთულები ზრიანლებდა. დაბოლოს მორიგემ დაიყვირა:

— სტარტი!

გაიჩხაკუნა კილომ, რომელიც ამაგრებდა მანქანის ბოლოს მიწაზე, და ორკაპი გავარდა, მაგრამ ქვის მაგიერ მთელი პლანერი გამოფრინდა, რომელშიაც მე და მფრინავი ვისხვდით.

პლანერით ფრენა გაცილებით უფრო სასიამოვნოა, ვიდრე თვითმფრინავით: თვითმფრინავზე მოტარის ხმაურობა და გრილია, აქ კი სრული სიწყნარეა, მხოლოდ ჰაერი ზუზუნებს ფრთებზე, ხან მძლავრად, ხან უფრო წყნარად.

იქტირები დაბლა. ხალხი თითქმის არა ჩანს, მაგრამ ყველაფერი მშვენივრად ისმის, რასაც ლაპარაკობენ.

— ივანჭნიკოლავეიჩი: აქ მოდი, სადილი მოიტანეს, — თითქოს შიგ ყურში ჩაგდახსო.

იქტირები, იქტირები, ივან ნიკოლავეიჩის მონახვა კი შეუძლებელია: იქ რალაც მწერები დალოლავენ.



ნელა, დიდი წრეებით მიჰყავდა ჩემ მფრინავს პლანერი მაღლა. მანქანა მალა-მალა ადის, ჩვენ კი ვლაპარაკობთ. როდესაც მოგვებზრდა ლაპარაკი, მღერა დავიწყეთ. მღერაც მოგვებზრდა და მფრინავმა მითხრა:

— ყურჩენი არ გნებავთ?

შეტრიალდა და მხარზევით გადმომაწოდა ტბილი შავი ყურძნის დიდი მტევანი. დავიწყეთ ყურძნის ჭამა. მფრინავმა თქვა:

— საოცარია. შეხედეთ: ქიშკიტი გადავაფურთხებ მარცვალს და ვინ იცის სად წაიღებს იმას ქარი. მიწაში ჩავარდება სადმე ქურქუტანაში და ვაზი ამოვა. ვერაინაც ვერ გაიგებს, თუ ეს ვაზი პლანერით დაფრინავდა! ხომ გრძნობთ, უკვე აცივდა,

როგორც კი თქვა მან ეს, მე ვიგრძენი არა აცივება, არამედ ის, რომ რაღაც დაძვრებოდა ჩემ ტანისამოსში. დაძვრებოდა, დაძვრებოდა და თან მფხობნიდა. — გესმით, — ვუბნები მფრინავს, — რაღაც დამიდის ტანისამოსში.

— ტანისამოსში? — მეკითხება მფრინავი. — მერე და როგორია: დილია, პატარაა თუ საშუალო?

— უფრო საშუალო უნდა იყოს, — ვუპასუხე მე. — ახლა სახელოში შემიძვრა. თბილია, რბილი და ბრქვალეზიანი.

— ჰოო, — თქვა მფრინავმა, — ეგ თავი იქნება! ეგ ოხერი პლანერში მოცუნ-ცულდება ხოლმე ტავოტის, ესე იგი მანქანის წასასმელის საქმელად. მიირთმევს ტავოტს, დაიძინებს პლანერში და გაფრენის დროსაც შიგ ბრძანდება მძინარი. მაღლა კი შესცივდება და აღამიანს შეუძვრება, რომ გათბეს. ახლა სად არის?

— ახლა მარცხენა ფერდთანაა.

— ჩაიყავით ხელი ქურთუკში და დაიჭირეთ. დაიჭირეთ? აბა ამოიყვანეთ! მე ჩაიყავით ხელი უბეში და მართლაც ამოვათრიე ნამცეცა, სათითურზე ცოტათი უფრო დიდი ბახალა. გაუშალე ხელი, ბახალა კი ზის, პაწაწკინტელა, ჩემ დიდ ხელის გულზე და ჩქარ-ჩქარა სუნთქავს. მერე უცებ შედგა უკანა თათებზე და ბეწვის გასწორება დაიწყო მუცელზე.


მფრინავმა აღმაცერად გამოიხედა უკან.

— ზის ეგ ოხერი? — მკითხა მან.

— ზის.

— ფრთაზე გაუშვით. ნეტავ რას იზამს?

მე ფრთაზე გაუშვი ბახალა. მან მიმოიხედა, ბრქვალეზით მაგრად ჩაებლაუტა ფრთაზე წასმულ საღებავს და ქარის საწინააღმდეგო მიმართულებით მიცუნცულდა ფრთის წინა კიდესთან. ის სვეტივით აიშართა, წინა თათები მკერდზე დაიწყო და გულდასმით დაიწყო ძირს ცქერა.



ძირს ლურჯი; ლურჯი ზღვაა. კოკტებელის პატარა სახლები ქრელად მოჩანს შორს, ნაპირზე. ბახალა ჩაჯდა, უღვაშებიანი ცხვირი გააცმატურა, ჩორთით გადურბინა მფრინავს ზურგს უკან, ქარს მიეფარა და იქ ჩაჯდა პირის დასაბანდათითქმის მთელი საათი თავს დავსტრიალებდით ზღვას. მფრინავი უსტვენდა თავის კაბინაში. ის წამდაუწუმ მეკითხებოდა უკან მოუხედავად:

- ზის მგზავრი?
- ზის.
- პირს იბანს?

— არა — ახლა უღვაშებს აცმატურებს...

— თქვენ მითხარით ხოლმე რას აკეთებს, მე ვერ ვხედავ. შინ უნდა მივიყვანოთ...

მაგრამ ჩვენ ვერ შევეძლით კუდიანი მგზავრის შინ მიყვანა. არ ვიცო, მობებრდა ჯდომა თუ რაიმე საფრთხე მოეჩვენა, ის უცებ დაფაცურდა, სწრაფად მიცურსულდა ფრთის კიდებზე და იქ სვეტივით აიყალყა. რამდენიმე წამის განმავლობაში ის სულ იჭიმებოდა, მაღლდებოდა და მაღლდებოდა, ხან მარცხნევ გადახრიდა თავს და ხან მარჯვენა, თითქოს უნდოდა დარწმუნებულიყო, რომ ჩვენს ქვევით ახლა ზღვა კი აღარ იყო, არამედ მაგარი მიწა. მფრინავი ელაპარაკებოდა მას:

— აბა რა გინდა, ქერქეტავ? დაჯექი! რატომ ვერ ისვენებ ერთ ადგილზე? გაისეირნებ და მერე წაბრძანდები შენ ცოლთან! აქ მო, ქურთუკში შემოძვერი... საქმე არა გაქვს! ბახალა უფერად კიდევ უფრო მეტად გაიჭიმა, უკან თათებით მოსწყდა ფრთას და ყირამალა დაეშვა სწრაფად ქვევით, მიწისაკენ.

მფრინავს ხელიც კი შეუტოვდა, პლანერი ცხვირმა დასძლია.

— უსურეთ ამ სულელს! — თქვა მფრინავმა — დაიმტვრევა! არა, რა პარაშუტისტიც ვგა მყავს, რომ ხანდაზმულ ნახტომებს აკეთებს!

ამის შემდეგ ჩვენ მალე შემოვბრუნდით უკან, შინისაკენ. მფრინავი აღარ მღეროდა. ის მოლუწული იყო და ხმას არ იღებდა.

როდესაც აეროდრომს მივუახლოვდით, მხოლოდ მაშინ თქვა მან:

— იცით, იქნებ ის მართლაც ისე წავიდა ქვევით, თითქოს პარაშუტი აქვსო, თვითონ რომ მსუბუქია. ბეწვი გრძელი აქვს, ფაფუკი... კული... იქნებ არც კი დამტვრეულა.



ორი კვირა გავიდა. მოსკოვში, წითელ მოლდანზე, ვილაღ მეძახის:

— ეი, ეი! ჰოი!

მოვიხედე! — მფრინავი მორბის ჩემკენ,

— უკატრავად, — მფრინავმა, — თქვენი ჩემთან, იფრინეთ, მაგრამ თქვენი გვარი არ ვიცი. ჩვენი ბახალა არ დამტვრეულა! მე გამოიკვირდა.

— რატომ გგონიათ ასე?

— როგორ არა, — მიპასუხა მან: — მე აქ, მოსკოვში, ვნახე ერთი ინჟინერი და

შვეულხნდი, რომ გამოიგინებოდა, რას ამბობს შეცნიერება; დაიმტვრევა თავი თუ არა, თვითმფრინავიდან რომ გადმოხტეს. მან იანგარიშა — იანგარიშა... თურმე ეს ძალიან ძნელი ყოფილა. მეორე თავის დაქვრა მოვიხედა. რალაც განსაკუთრებულ სასწორზე აწონეს. ძალიან მოვაბეზრე თავი იმ ინჟინერს. მაგრამ მაინც გავიგე: არა, არ დაიმტვრევა. წყნარად დაეშვა. როგორც პარაშუტისტი. ბეწვი აქვს, კული... ინჟინერმა თქვა: თუ ბალახზე დაეცა, თავი გადარჩებაო.

— მშვიდობით, მეჩქარება!

ჩამოვართვით ერთმანეთს ხელი და ჩვენ-ჩვენი გზით წავედით.

თარგმანი შ. თაბუკაშვილისა

პიკვედი მაისი

მოდის, მოდელავს დროშების ტყე ტალღად ქცეული და წითელ ზვირთებს დასასრული არსად არ უჩანს: დღეს ზეიმობენ მშრომელები ბრწყინვალე მაისს, სიმშვენიერით, სიხარულით ივსება ქუჩა...

დღეს ყველა მუშა, ქალი, ბავშვი გარეთ გამოდის, მუსიკის ხმაზე პიონერნი მწყობრად მოდიან, დროშები ფარავს აზვირთებულ მშრომელთა მასებს და მათ გულეებში სიხარული მეტად დიდია.

იქ, ლაქვარდ ცაზე, თვითმფრინავი ვით ძერა დაქრის, ფოლადის ფრთებზე ხუთი ქიმით ვარსკვლავი ბრწყინავს, იქიდან ცვივა საზეიმო თეთრი ფურცლები, და ეს ფურცლები პეპლებივით შავრში ფრინავს.

შე უხვად აფენს ოქროს სხივებს წითელ ქვეყანას, სადაც მშრომელნი ერთ დროშის ქვეშ მწყობრად დადიან, ქართველი, რუსი, თურქი, ზანგი... ლხინში ერთობით, ბრძოლის ველზედაც თავმოყრილი ერთად გადიან.

ყველა ზეიმობს ამ დიად დღეს - დიდი, პატარა, ბედნიერ ბავშვის სახეზედაც ღიმილი დაკრთის, და ყველა ქალი, კაცი, ბავშვი ასე გასძახის:

„მადლობა სტალინს ამ ძვირფასი ცხოვრებისათვის!“

თბილისი, მე. VII ა. კლ მოწ. (1-ლი საც. სკოლა.)



ნათელამ უთხრა თინას:
 — შეძვერი მაგიდის ქვეშ. მე მაგიდას სამჯერ დავარტყამ ხელს, — თუ ვერ გაუძლებ, შენი ფორთოხალი მომეცი, თუ არა და ჩემ ბურთს მოგცემ.

— კარგი, — უთხრა თინამ და მაგიდის ქვეშ შეძვრა.

ნათელამ მაგიდას დაარტყა ხელი ერთხელ, კოტა ხნის შემდეგ მეორედ, დაჯდა და წიგნის კითხვა დაიწყო. თინა კი ხის მაგიდის ქვეშ, მაგრამ ვაი ასეთ ჯდო-

მას! ძალზე დაიღალა. ეხლა კი მიხვდა თინა ნათელას საიდუმლოებას და გაკოვიდა მაგიდის ქვემოდან.

— რად გამოხეული? — ჰკითხა ნათელამ.


— თანაც დავილაღე და თანაც მოგიხედდი ოინს, — უპასუხა თინამ.

— როგორ?

— შენ, ალბათ, მესამედ ხვალამდე არ დაჰკრავ.

— მაშ მოიტა ნაძლევი!

სოსო ლომთათიძე.





შეადგინეთ ამ სურათის მიხედვით მოთხრობა და გადმოგზავნეთ რედაქციაში.
საუკეთესო მოთხრობა დაიბეჭდება მორიგ ნომერში.